




■胡子彤扮
攬姚焯菲，
場面搞笑。

唔敢送「愛的抱抱」 胡子彤「紳士手」 隔空攬姚焯菲



■姚焯菲露小
蠻腰跳舞。



■胡子彤很開心在音樂會唱多首歌曲。

姚焯菲(Chantel)、胡子彤、張蔓莎與張蔓姿前晚到主題樂園出席音樂會，他們除了唱歌外，又與台下聽眾互動，氣氛熱鬧。完騷後，胡子彤被問為何只擁抱張蔓莎與張蔓姿，他即伸出「紳士手」隔空扮攬Chantel，場面搞笑！

胡子彤期待下次再合作。



胡子彤表示今次演出是很好經驗，因為是他首次在音樂會獻唱多首歌曲：「可以幫我之後開騷經驗，好開心。」他指由綵排到開騷，即使準備充足，亦難免出現意外，例如器材發生故障：「依家知道做一個騷要點樣去分配，就好像拍戲咁，每日可能拍10個鐘或者拍成個月，唔能夠每分每秒都係好用力嘅狀態，今次學識合理分配係最大收穫。」

提到Chantel演出時米高峰沒有聲，頻頻摸耳機，問到是否器材出現問題？她坦言甫開場打招呼已發現米高峰沒聲，耳機亦有少少問題，但沒有影響演出，當時她不感到害怕：「因為知道問題可以解決。」

胡子彤懶醒幫Chantel解圍

提到胡子彤在台上只擁抱張蔓莎與張蔓姿，但未有攬Chantel，他即伸出「紳士手」隔空扮搭Chantel肩膀影相。他解釋早已認識張蔓莎、張蔓姿，與Chantel不是太熟：「之前Chantel忙完綵排舞台劇，再嚟

綵排音樂會，我唔想講太多嘢騷擾佢，想畀佢有更多時間休息同專心綵排。如果下次再有機會同Chantel見面做嘢，會衝過去打完招呼，跟住好有禮貌咁擁抱佢。」Chantel則表示眼瞓到不懂反應：「平時返屋企會不停練歌同聽歌，搞到自己明明可以早瞓，但就好夜都未瞓。」

問她是否反叛不睡覺？胡子彤即為Chantel解圍，指她為了做騷才做準備。問他為何幫Chantel解釋？他笑言：「我都係估吓。」不過Chantel說：「我聽啲歌同呢個騷唔關事。」胡子彤即尷尬笑稱自己估錯。

Candy 食榴槤喪失味覺

女團COLLAR成員Ivy和Candy於ViuTV節目《COLLAR以為去度假》化身導遊，原本帶隊友去新加坡福康寧公園和舊禧街警察局打卡，但天氣不似預期，被迫取消，改為體驗娘惹文化。她們炮製娘惹甜品時，Day突然問：「要一啖食咗佢呀？」Gao笑稱：「係呀！傳統嚟，唔一啖食會窮死！」Day即一口吃掉，其他隊員忍不住大笑。

之後Ivy和Candy帶大家品嚐胡椒蟹大餐和榴槤宴，不吃榴槤的Candy在眾隊友慫恿下，勉為其難地吃了一口，之後更說：「幾好食喎！」當要品嚐另一味道更濃烈的榴槤品種時，Candy豁出去大啖食，還向Sumling說：「如果我食咗，你可唔可以畀5星好評我？」不過事後Candy苦笑稱喪失了味覺。



■為了得到隊友的好評，Candy豁出去大啖食榴槤。



■COLLAR品嚐榴槤宴。



■陳家樂今年首次以爸爸身份過父親節。

陳家樂學煮餸 向爸爸「贖罪」

陳家樂昨日到青衣出席父親節活動，即場跟名廚學煮餸，準備在父親節親自下廚，向爸爸「贖罪」。今年是他以爸爸身份首次過父親節，他坦言當了爸爸後，明白為人父母甚艱難：「我好慚愧，冇真正煮過一餐飯畀爸爸食，今年會第一次煮飯畀爸爸食。我做咗爸爸感受到驚小朋友長唔大、驚佢曳，我細個又成日駁嘴，依家要贖罪，報答番佢，唔好意思爸爸。」

問到太太連詩雅會否代因向向他送上父親節驚喜？家樂說：「唔會有驚喜，但依家排緊舞台劇好忙，發開口夢都背緊歌詞。」他表示待太太演完舞台劇，希望放假去旅行。